



Y Rhaglen Lles

Cyflwyniad i Lles

Croeso i'r Rhaglen Lles ar gyfer Cefnogaeth Gwaith-Bywyd

Sefydlwyd Worklife Support Ltd yn 1999 gan yr elusen genedlaethol Teacher Support Network. Ein prif nod yw gweithio mewn partneriaeth ag ysgolion, awdurdodau lleol ac elusennau, gan eu hannog i fuddsoddi yn iechyd a lles eu staff trwy ddarparu dulliau arloesol ac ymarferol i gefnogi'r holl weithlu. Mae'r sector cyhoeddus yn denu rhai o'r unigolion mwyaf brwdfrydig, creadigol ac ymroddedig yn y gweithlu. Rydym yn annog ysgolion i wneud y mwyaf o bob unigolyn a'r cyfraniad unigryw mae ef neu hi yn ei wneud i'r sefydliad.

Mae ein gwaith yn defnyddio ein profiad helaeth mewn addysg ac yn y sector cyhoeddus ehangach, gan sicrhau bod ein rhaglenni yn uniongyrchol berthnasol ac o werth i staff ysgolion ac awdurdodau lleol. Hyd yma mae tua 190,000 o staff mewn dros 3,000 o ysgolion a 110 o awdurdod lleol yn genedlaethol wedi elwa o'n gwasanaethau.

Nod eithaf ein rhaglenni yw datgloi potensial pob aelod o staff a chefnogi'r holl dîm i berfformio ei orau. Rydym yn helpu ein sefydliadau partner i rymuso unigolion i wneud gwahaniaeth cadarnhaol i'w cymuned waith.

Beth yw'r Rhaglen Lles ?

Mae'r Rhaglen Lles yn unigryw, yn broses o ddatblygiad sefydliadol a brofwyd ac a luniwyd yn benodol i'w defnyddio yn y sector gyhoeddus. Nod y rhaglen yw helpu sefydliadau ddod â newid cadarnhaol a gwireddu eu potensial trwy ganolbwyntio ar les ac effeithioldeb pob aelod o staff. Mae'r rhaglen yn tynnu ar raglen o ddulliau cynaliadwy, gan sicrhau manteision sy'n para i bawb.

Mae Lles yn ymyrraeth gadarnhaol a rhagweithiol, yn canolbwyntio ar atebion a syniadau ar gyfer y dyfodol. Mae'n defnyddio proses hunan werthuso sy'n cynnwys yr holl weithlu, gan alluogi aelodau o staff eu hunain nodi cryfderau unigol sy'n y sefydliad yn ogystal â meysydd i'w datblygu. Trwy'r Rhaglen Lles, mae pawb gyda'i gilydd yn penderfynu'r llwybr gorau o wneud newidiadau adeiladol i'w sefydliad.

Fel rhan o'r rhaglen, mae pob ysgol yn cael:

- gwasanaeth annibynnol a gafodd ei deilwra yn benodol i gyd-destun addysg
- hyfforddiant ac arweiniad manwl i aelodau tîm Lles yr ysgol
- archwiliad o les staff ble mae pob aelod o staff yn cael ei annog i gymryd rhan: yn y Mesur Hunan Adolygu Sefydliadol (MHAS)
- 'proffil data cyfrinachol' yn cynnwys canlyniad yr arolwg MHAS
- gwybodaeth, cefnogaeth, arweiniad strwythuredig ac ymarferol ar ddeall y data a sut orau i'w gyflwyno yn ôl - a chynnwys - yr holl staff
- agoriad at amrywiaeth eang o adnoddau wedi'u hargraffu ac electronaidd (fel deunydd canllaw, astudiaeth achos a gweithdai), yr oll yn seiliedig ar ymarfer da o sefydliadau Lles eraill.

Mae'r rhaglen yn cael ei chefnogi gan gronfa o ddata helaeth, sy'n ehangu'n barhaus ac a gasglwyd o sefydliadau sy'n cymryd rhan. Mae'r bas data yn ychwanegu at wybodaeth Worklife Support a'r ddealltwriaeth o'r prif sector rydym yn gweithio ynddo ac yn galluogi datblygiad proffiliau lleol a rhanbarthol.



Sut fydd Lles o fantais i chi ?

Mae'r rhaglen wedi cael effaith gadarnhaol ar ddiwylliant ac ethos sefydliadol, cyfathrebu a moral. Mae unigolion sydd wedi cymryd rhan yn dweud eu bod yn teimlo fod ganddynt fwy o reolaeth dros eu bywyd-gwaith - a chan fod y Rhaglen Lles yn cefnogi a hyrwyddo iechyd emosiynol a lles staff - maent yn gyffredinol hapusach, iachach a mwy effeithiol. Rhaid nodi hefyd bod amgylchedd iach ysgol yn cael effaith gadarnhaol ar ddisgyblion.

Mae'r Rhaglen Lles hefyd yn cyfrannu i'r agenda gwella ysgol trwy:

- wella addysgu a dysgu
- wella recriwtio a chadw staff
- lleihau absenoldeb staff
- cefnogi Safon Cenedlaethol Ysgol Iach

Trwy gymryd rhan yn y Rhaglen Lles, mae sefydliad yn cydnabod bod staff yn asedau gwerthfawr. Trwy waith parhaus, gall pawb fwynhau gwelliannau fel:

- gwell cyfathrebu, perthynas a gwaith tîm
- mwy o ymarfer gwaith cynhwysol, helpu i sicrhau nad oes 'neb y tu allan'
- unigolion yn teimlo eu bod yn cael eu gwerthfawrogi a'u cyfraniad yn cael ei gydnabod
- llai o stres a straen, wrth i staff ddysgu sut i drin sefyllfaoedd anodd a beichiau gwaith trwm yn fwy llwyddiannus
- man gwaith iachach, mwy diogel a sefydlog

"Datblygwyd y Rhaglen Lles gan Worklife Support yn benodol i ysgolion ac mae'n cyfateb yn gyffredinol i ddull Safonau Rheolaeth yr HSE. Bydd cymryd rhan yn y Rhaglen Lles yn galluogi ysgolion ddangos eu bod wedi cyfarfod eu dyletswydd o ofal o dan ddeddfwriaeth lechyd a Diogelwch."

Health and Safety Executive, 2006

Beth yw'r broses ?

Er bod y Rhaglen Lles yn cael ei chynnal trwy Brydain, mae bob amser yn cael ei reoli'n lleol - i gyd-fynd â blaenoriaethau ac amserlen leol.

Ar ôl briffio dechreuol, mae pob sefydliad Lles yn enwebu 'tîm Lles' mewn ymgynghoriad â staff. Yn dilyn hyfforddiant, bydd y tîm hwn ar gael i arwain staff trwy'r broses, y cam cyntaf yw cymryd rhan mewn adolygiad o les staff trwy arolwg ar lein. Trwy'r arolwg hwn, bydd staff yn gallu nodi, gyda'i gilydd, gryfderau a chyraeddiadau eu sefydliad yn ogystal â meysydd i'w datblygu.

Mae'r holl staff yn dehongli'r data cyn penderfynu ar flaenoriaethau a chael newid cadarnhaol. Mae gan unigolion gyfle i ddweud beth a dybiant y gellid ei wella yn ogystal â sut y gallant yn bersonol ddechrau trin rhai o'r materion. Mae lles staff yn thema sy'n parhau mewn cyfarfodydd, hyfforddiant, polisiau ac ymarfer. Gall y sefydliad hefyd gynnal arolwg dilyn i fyny i fesur cynnydd blynyddol.

Trwy ymuno â'r rhaglen, mae tîm arwain sefydliad yn dangos ei ymroddiad i sicrhau bod yr holl staff yn teimlo eu bod yn cael eu cynnwys, yn cael eu gwerthfawrogi ac yn gallu bod yn greadigol ac yn ysbrydoli. Fodd bynnag, nid arweiniad a thimau Lles yn unig sy'n achosi llwyddiant y rhaglen. I'r gwrthwyneb, mae angen i bob unigolyn gymryd cyfrifoldeb personol am ddod â newid yn eu maes gwaith eu hunain.